

## VULLNETI I ZOTIT NE JETEN E NJERIUT

**Perëndia** i do të gjithë njerëzit dhe dëshiron që të gjithë të shpëtohen.  
**Dashuria** e Perëndisë për botën, tregohet në jetën, vdekjen dhe ringjalljen e Jezu Krishtit.

**“Sepse Perëndia** aq shumë e deshi botën, saqë dha Birin e Tij të vetëmlindurin që kushdo që beson në Të, të mos humbasë, por të ketë jetën e përjetshme”

*(Sipas Ungjillit të Gjonit 3:16)*

**Urdhërimi më i madh në Bibël është:**

**“Duaje Zotin, Perëndinë tënd me gjithë zemrën tënde, me gjithë shpirtin tënd, me gjithë forcën tënde, me gjithë mendjen tënde; dhe duaje të afërmin tënd porsivetvetja”**


*(Sipas Ungjillit të Lukës 10:27)*

**Perëndia i dha Moisiut 10 Urdhërimet e mëposhtme:**

- Unë jam Zoti Perëndia yt. Nuk do të kesh asnjë Zot tjetër, përpara meje.
- Nuk do ta përdorësh emrin e Zotit, të Perëndisë tënd, kot, sepse Zoti nuk do të lërë pa ndërkujdes atë që përdor kot emrin e Tij.
- Kujto dhe shenjtëro ditën e shtunë.
- Ndero nënën dhe atin tënd.
- Mos vrit.
- Mos bëj tradhëti bashkëshortore.
- Mos vidh.
- Mos bëj dëshmi të rreme kundër të afërmit tënd.
- Mos lakmo shtëpinë e të afërmit tënd. Mos lakmo gruan e të afërmit tënd; as shërbëtorin apo shërbëtoren e tij, as lopën e tij, as gomarin e tij, as asgjë tjetër që i përket të afërmit tënd.

ME PËRZEMËRSI JU FTOJMË, TË VINI DHE TË NJIHENI ME NE NË  
KISHËN LOKALE LUTERANE UNGJILLORE:

Do të jemi të gëzuar t'u përgjigjemi pyetjeve tuaja.



# Paqe !



## ***I dashur Mik,***

*Bashkësia jonë ju mirëpret  
dhe ju fton të merrni pjesë në shërbesat tona.  
Kisha është e hapur edhe për vizitorë  
dhe për lutje në ditë të tjera.*

*Çdo të Diele ne takohemi në kishë  
në orën 10:00, paradite, për t'u lutur dhe për të  
adhuruar Perëndinë, për të dëgjuar Fjalën e Tij dhe  
për t'u kënaqur në bashkësi me njëri-tjetrin.  
Të gjithë janë të mirëpritur të marrin pjesë në këto  
shërbesa.*

DISA ELEMENTE THEMELORE TE KRISHTERIMIT

### ■ KREDO E BESIMIT

**Besimi** i krishterë në një Zot të vetëm shprehet shkurtimisht në Kredon. Ky Perëndi i cili është Një në tre persona, njihet si Krijuesi, Shpenguesi dhe Shenjtëruesi:

Unë besoj në Perëndinë, Atin e Gjithpushtetshëm, Krijuesin e qiellit dhe të tokës:

Dhe në Jezu Krishtin, Birin e Tij të vetëm Zotin tonë, i cili u ngjiz nga Shpirti i Shenjtë, lindi nga Virgjëra Mari, pësoi dhe vuajti nën Poncin Pilat, u kryqëzua, vdiq dhe u varros, zbriti në Ferr; u ringjall sërish nga të vdekurit të tretën ditë, u ngrit në Qiell, dhe rri në të djathtën e Perëndisë Atit të Gjithpushtetshëm, dhe do të vijë për të gjykuar të gjallë e të vdekur, Besoj në Shpirtin e Shenjtë, në kishën e shenjtë universale, Bashkësinë e shenjtërve, faljen e mëkateve, Ringjalljen nga të vdekurit dhe jetën e përjetshme.

### ■ LUTJE DHE ADHURIM

Shërbesa e kishës përbëhet nga disa pjesë. Zakonisht përfshin edhe Kungimin ose Darkën e Zotit. Përmbajtja e shërbesës është kryesisht si më poshtë:

<b>Lutje</b>	<b>Kungimi</b>
<b>Leximi nga Bibla</b>	<b>Falenderim dhe Adhurim</b>
<b>Kredo</b>	<b>Bekimi</b>
<b>Predikimi dhe lutja</b>	<b>5-6 himne nga libri i himneve</b>

Çdo shërbesë përmban lutjen që na mësoi Jezusi:

**Ati Ynë që je në qiell**  
**U shenjtëroftë emri yt. Ardhtë mbretëria jote.**  
**U bëftë vullneti yt, si në qiell edhe në tokë.**  
**Bukën tonë të përdishme na e jep sot**  
**Dhe na i fal mëkatet tona, ashtu si i falim ne fajtorët tanë**  
**Dhe mos lejo të biem ne tundim, por na largo nga i ligu.**  
**Sepse e jotja është mbretëria, fuqia dhe lavdia në jetë të jetëve. Amen.**

### ■ SAKRAMENTET

Kungimi i shenjtë është një nga sakramentet apo ceremonitë fetare të Kishës Ungjillore Luterane. Sakramenti tjetër është pagëzimi, që Jezusi e vendosi me fjalët:

**“Shkoni pra, dhe bëni dishepuj nga të gjithë popujt duke i pagëzuar në emër të Atit, të Birit dhe të Shpirtit të Shenjtë, dhe duke i mësuar të zbatojnë të gjitha urdhërimet që unë ju kam urdhëruar”** (Ungjilli sipas Mateut 28:19-20)

Përmes pagëzimit bëhesh anëtar i kishës. Një të rrituri që dëshiron të bëhet pjesë e kishës, i mësohen së pari bazat e Krishterimit dhe jetës së krishterë dhe pastaj pagëzohet.

Ceremoni fetare të tjera të rëndësishme të kishës janë martesat dhe funeralet.

Festat vjetore të kishës janë të lidhura me ngjarje në jetën e Jezusit. Festat më të rëndësishme dhe temat e tyre janë:

**Krishtlindja** – Lindja e Jezusit  
**E Premtja e Zezë** – Vdekja e Jezusit në kryq  
**Pashka** – Ringjallja e Jezusit  
**Dita e Ngritjes** – Ngritja e Jezusit në qiell  
**Pentakosti** – Dita e Shpirtit të Shenjtë, lindja e Kishës